

靖安縣志卷之七

職官志下

名宦

統轄

統轄非一邑所得私以其有功於靖且祀邑名宦祠故仍舊志列傳特弁諸首亦明德弗諼之意也

明

吳一貫字道夫成化進士由上高知縣擢御史以彊幹聞升

大理寺右丞左遷江西副使討華林賊有功晉按察使行

軍至奉新卒士民立祠祀焉通志

案明一統志稱一貫督兵勦捕嚴申令信賞罰士卒奮

勇建議築城賊至則戰賊退則築舊志於本傳增有築

靖安縣志

卷之七

職官

靖城日夜巡視不怠之語當本此

周憲字時敏安陸人宏治進士官江西副使華林馬璠賊方

熾奉總督陳金檄勦禽數百人移軍奉新計擒賊首平瑪

璠寨進逼華林賊窘遣諜者詭言饑困狀憲信之移檄會

師夾擊他將多觀望憲攻北門賊少却與子幹先登逼之

賊下木石如雨軍潰憲中槍幹前救力戰墮厓死憲被執

為賊支解事聞贈按察使予祭葬諡節愍廕子錦衣百戶

旌幹門曰孝烈通志

李承勛字立卿嘉魚人宏治進士除太湖知縣轉南京工部

郎中正德間擢南昌知府時奉新有華林山賊攻陷瑞州

分據越王嶺靖安寇亦據瑪瑙崖事勢孔棘承勛廣伺謀
營壘壁扼溪澗擊破瑪瑙寨擒渠首胡雪二還會副使周
憲敗死華林承勛往勦密約賊王琦內應引兵舉火爲號
克之斬首三千級境內悉平蠲二縣田租擢浙江按察使
嘉靖間歷太子太保兵部尙書卒贈少保謚康惠明史
令長

宋

吳雄字慶錫長汀人紹聖間知靖安縣行勸民五事作諭俗
十詩自註孝經皆有開風化者豫章書

周積建炎初知靖安縣慷慨有才畧會金騎犯邑居民竄伏

靖安縣志

卷之七

職官

二

積呼集義兵屯據要地爲保障計邑賴以全事聞特授宣

教郎

豫章書

黃宗諤紹慶間縣令時兵燹之後學宮鞠爲茂草銳志作興
民不告勞其去也士民懷之舊志

楊方字子直長汀人嘗從朱晦庵學淳熙中爲武甯縣丞清
理學租以其餘置祭器轉站安知縣廉靜和平自題詩有
云堂上官人似野人村人相見且相親又云高陂約水歸
田急不管灘聲入縣門其風致可想舊志

趙公析寶慶間令秋毫無取於民撫字不倦民愛而敬之舊志
江斗祥淳祐初縣令性度溫醇憫民凋瘵多方安全功成而

不居邑人愛之如父母舊志

蔡塾開慶中知靖安縣元兵入境或勸之少避塾曰豈可忘

君以避難哉竭力守城一方賴之豫章書

元

潮海孔刺台氏至正十二年為縣達魯花赤紅巾賊起通志

黃潮海率眾與戰於象湖大破之乃起邑進士胡斗元塗

淵舒慶遠甘棠等謀畫而以勇士黃雲為前鋒自二月至

八月賊屢捷而賊黨益盛黃雲戰死或勸潮海去潮海曰

我監縣也去將安之遂為賊所執殺於富州子民安圖襲

父職十三年率眾敗賊將復縣治十四年賊兵復至民安

靖安縣志

卷之七

職官

三

圖迎戰力竭賊執而高之元史

黃紹字仲先臨川人至正鄉舉為縣尹與監縣潮海同集義

兵協力禦賊未幾賊兵數萬由武甯來寇紹赴行省求援

潮海獨戰却之後賊大集潮海死紹知勢不可為亦死之

舊志

明

衡守敬封邱人洪武元年任知縣闢草萊剪荆棘更定賦役

作興學校營繕公署建立壇壝政事脩舉民受其福秩滿

擢平陽知府舊志

朱宗晦華亭人洪武間知靖安縣愛民禮士潔已奉公修壇

壇興學校治橋道勸農桑綽有政聲明一統志

周廣平江陰人洪武間知縣持已廉而養民惠政聲茂著上游交推舊志

俞益字守謹號錦山臨安人永樂進士用庶常與修永樂大典改知靖安縣常祿外未嘗苟取於民對諸生言必以聖學為先時况重為禮曹掾受知最深在任十三載廉介始終不渝文學為世所稱增訂舊志

周鼎貴池人以舉人任知縣廉潔自持事無大小一經籌畫出必愜輿情卒於任百姓哀之舊志

金文英歙縣人宣德間知縣持已端嚴涖事果斷鋤強扶弱

靖安縣志

卷之七

職官

四

邑以大治舊志

張羽山西孟縣人景泰中知縣加意學校設施皆有可觀士民悅服舊志

張伯祥鄞縣人為邑令嚴毅方正不苟言笑涖政清勤折獄惟公每至夜分而退諄諄然以敦本善俗為事著省民條約一冊使家傳戶誦其大綱有四嚴之在官者曰謹內肅外約之在民者曰正俗興利綱各有目總四十七章又以民俗疾病好祀鬼神死喪作佛事安葬泥年月特著淫祀擇葬醫藥三辨名曰條約發揮鑄梓並行瑞州新昌胡雪二盜馬下獄有求釋之者伯祥不可曰我欲死之諸君欲

生之爲靖安害必斯人也後雪二果聚黨瑪瑙山人服其
明舊志

蕭瑞字吉夫涇縣人正德初任知縣時市民房屋遭賊焚設
法修葺百餘家賊勢甚熾不假兵衆勦撫兼施調任廬陵

縣擢南京福建道御史

舊志

萬士賢南海人正德六年知縣事時遭瑪瑙崖之變舊無城
郭甲兵可恃士賢不避艱險鑄兵器練戰士築城鑿池佐
知府李承勛討平之己卯宸濠反遣朱詳四涂景七募召
瑪瑙餘黨士賢執祥四等斬於南港橋以定眾志隨興義
兵助巡撫王守仁討擒宸濠兵燹之後勦捕匪黨撫恤瘡

靖安縣志

卷之七

職官

五

瘠省刑節用建射圃立社學文教聿興民至今稱之

舊志

史載澤貴州人嘉靖中爲邑令時值大旱多方撫字嚴於緝
捕修城池鑄祭器一時號爲能吏

舊志

趙公輔字黃村棗陽人嘉靖間由舉人任知縣築磚城新署
宇學宮傾圮者葺而治之縣志殘缺數百年捐資纂修成
帙凡壇廟館舍無不修建興廢舉墜燦然可觀

舊志

葉重光餘姚人有治劇才遇事糾紛輒迎刃而解時奉新寄
糧久爲靖累重光上其事於大府設寄莊立寄長別爲一
畝杜絕弊混邑人感之立祠繪像以祀

舊志

應汝稼字于難一字赤城臨海舉人萬厯間知縣事時學宮

在法藥寺後謂其失所慨然遷之舊例收兌漕糧皆民自經理賠累之苦有因而蕩產者省會無水次倉風濤守候兌軍尤艱汝稼以兩事並陳於上臺始定官收官解之法建兌倉於章門民免重累至今賴之舊志

朱儼卸號紫潯湖廣宗室崇禎間知縣時奉新乾洲紅巾賊來寇設法勸撫民賴以安舊志

國朝

楊泰字春和偏關人順治初以選貢生任靖安知縣金逆之變以守土臣分當死慷慨自誓以身殉城聞者壯之山西人物志

張慎行字恆庵南宮人順治八年知縣時安義黠寇猝至募

靖安縣志

卷之七

職官

六

集鄉勇出奇計追逐殲之甲午分校所錄多名下士後陞

興屯同知舊志

屠尚字渭綸武進人順治進士性溫和有經濟才初知靖安

縣未及逾月兩遭寇亂布策籌禦踰月盡平事聞上官皆

善之會用兵兩廣派解豆草并絳夫令下合邑惴惴尚設

法報可祿如也在任三載無封殖之私黜浮費汰冗役絕

竿牘寓撫字於催科尤加意學校課試諸生人文蔚起致

仕歸士民有誰嗣之歌焉舊志

林鍾一作鐘字仲呂一作字龍津南平人順治選貢由豐城丞知靖

安縣邑先爲盜所殘城鮮居民鍾至多方招集力爲守禦

身入賊營諭以禍福賊不敢犯城者二年後大兵進勦鍾
爲運籌全活甚衆盜悉就撫兵燹之後請蠲民租修文廟
課諸生百務重新以病乞歸祖餞泣送者不絕於道通志

高克藩字大垣一字敬齋岷縣人由進士任知縣在任六年

重士愛民捐建義學置田設義塚纂修邑乘後以憂去人

懷去思舊志

毛鵬字紫巖河南孟縣人由庶常改任知縣邑多訟許鵬斷

事明決除弊摘奸人咸畏服未兩載豪猾斂跡嘗自言使

吾爲靖十年當使刑具不用人謂其語非夸建置文廟樂

器拓增水次漕倉皆政之可紀者以疾卒於任民思念之

靖安縣志

卷之七

職官

七

不忘舊志

何顯祖號介庵內江人康熙己亥爲邑令辛丑值歲旱督修

陂堰身經暑雨不憚劬勞水利大興舊志

黃天球號璞齋金匱人康熙壬辰進士夙負盛名以經術飾

吏治愛民好士皆出以至誠每年按季課諸生擇其尤佳

者以時集署齋講學士氣大振首建文昌宮於書院又爲

况伯律特立專祠春秋享祀重建會城水次漕倉民尤稱

便遇事操守廉潔一塵不染內擢儀曹去任增訂舊志

張叔琳號雍州長洲人雍正六年知縣事初邑人困輪充之

役凡十年輪充謂之戶門其現年總催謂之里長正供之

外雜派不一統曰公件總催索之戶長戶長索之丁糧剝
膚椎髓錮弊相仍有因充戶門而村落蕩爲墟者叔琳草
去現年總催凡陋規剗除殆盡有草弊實紀自是民得安
業舊志

王端號松軒黎城人雍正癸丑進士銓授邑令值歲饑設法
賑濟有譁而逞者馭以法民賴以安讞牘能曲盡輿情人
不忍欺丁內艱去士民惜之舊志

李紀中江人由貴州典史授靖安知縣美髯偉幹果於任事
下車先嚴緝捕境內肅清邑四城內外街路多山石礪犖
紀悉易以石版中通溝洫宣泄積霪行者稱便次第倡建

靖安縣志

卷之七

職官

八

文廟修城池葺衙署百廢其舉一邑改觀焉調豐城後陞
甯都牧邑人思之立生王遺愛祠

鄒朝陽號梧山廣東海陽人乾隆丙戌進士癸巳選授邑令
學問淵博每引經折獄訟者服之好獎進士類時學博易
統元名宿也朝陽與寅好尤篤約定諸生童月課互相校
閱造就人材爲多

張龍占武進人舉人大挑知縣勤於聽斷值歲歉嚴禁奸販
出境請開常平以救荒市價頓平校士精鑒別不尙聲華
孜孜以敦品勵學爲先因公註吏議人爭惜之

鞠偉山東海陽人以舉人分發江西試用權知縣事性嚴毅

寡言笑有關節不到之風在任僅半載判牘如流吏胥畏法一時翕然稱治卸篆日士民焚香頂送懸廉明剛正額於堂

吳貽灃號華川桐城人乾隆壬辰進士知縣事邑故僻簡貽灃以江南名宿初到興諸生季課每考試坐堂上收得佳卷輒朗誦至口沫手舐不置有不愜處卽以硃筆塗竄呼近前指示之公餘不廢吟咏遇佳山水處必畱題見者稱爲仙吏以告養歸後任雲南同知

陳同文字從周別號誦帚慈谿人以副貢充八旗教習銓授邑令爲學行政一以歸熙甫爲宗嘗謂令不當過嚴重若

靖安縣志

卷之七

職官

九

神明所到訪利病問疾苦拊循鞠育煦煦然類慈母之保嬰兒也善董文敏書法工古文詞校士拔取單寒尤精岐黃術下鄉遇窮閭臥病乏醫藥者立爲診救在任五年以疾卒士民哀送塞道廣柳車至不得前迄今猶有召杜之思

馬廷燮字梅亭獻縣人丙午舉人大挑知縣性慇直鋤強扶弱有古拔薤風顧獨好培植士類每秋試前期必治具演劇薦送諸生東郊外各贈以卷資計數科所費約數百緡倡捐修文廟躬親督治規制一新增書院膏火立定章程今尚循其法以耳疾罷歸歸裝無他物書數千卷而已

胡世墉號杏溪涇縣人辛未進士初奉檄攝縣篆清心爲政
吏胥奉法維謹聽訟明決晨起坐堂皇至夜分乃罷一空
積牘茶坪鄉富室劉某夜半牛棚中有死尸里長報驗世
墉至知爲一強丐挾夙嫌嫁禍立判數語以輕生論劉得
白先是邑中訐告風甚熾至是有挾虛詞至半途返者凡
射影含沙之技到案立破四境肅然考校公明待士尤加
敬禮甫一載補授吉水民惜其去速懸公正廉明額以思
之追送者相望於道以上新增

張國鈞號紫村直隸撫甯人由舉人除知邑事以簡靜爲治
遇公舉則勤懇奮興舊志缺修逾人亟思重輯延邑紳有

靖安縣志

卷之七

職官

十

學行者入局纂校卒成善本縣治文峯塔圯集二十八部
籌費重新又於城垣之圯者修之缺者補之各廢具興而
民不擾前後十年洵豈悌君子矣

宋慶賞號旭亭山東文登人舉人大挑知縣事廉潔慈祥振
拔單寒視民如子歲洊饑倡議捐穀平糶不繼復請勸常
平倉未待報可先發廩救饑闔邑製澤潤生民額懸之前
後三任以疾卒去之日囊橐蕭然士民哀送者塞途

張師吉號昨吾宛平人援例選授邑令才性敏決動政愛民
值連歲洊饑後奉郡守倡興八屬義倉貯省邑捐踴躍得
穀萬餘以靖處山僻水程遙遠力請以五千石建倉貯縣

上憲允之會城水次漕倉圯壞倡議重修費既集適調豐城去仍遣紀來清址督工修理壑整甲於他邑惜調豐未久卒民懷遺愛立主於義倉

陳芝齡號天渠浙江開化人道光癸巳科進士卽用知縣分發江西署靖安篆學行醅粹悃愾無華莅任兩載清心爲政一塵不染勤於案牘每坐大堂聽訟隨到審結牘尾親判讞詞吏胥不能舞弊尤好文禮士考試拔取單寒時靖未創考棚捐置桌櫬俾免攜帶擁擠月課書院生童鎮日監試如師之教弟子口講指畫孜孜不倦納卷卽加批改造就人才爲多乙未調取入簾靖邑是科獲雋三人蕭君

靖安縣志

卷之七

職官

十一

鴻銓項君守和皆出其房其一舒君寬字亦曾附課門下者人以爲文字之祥惜未久補授南康繼調德化卒於任清風儒吏至今士民思念不諳

熙恬號引之佟佳氏漢軍正藍旗人進士由工部虞衡司主事改授知縣道光己酉受靖安篆下車之始卽以作育人材爲首務靖邑有雙溪書院膏餼薄而課試奉行故事公捐廉加獎每課親自校閱肄業諸生靡不悅服文風爲之丕振靖安僻處山陬向無賓興歲科兩試及鄉會場貧士每艱於川貲致沮進志公延集各鄉紳正踴躍勸捐得費肆萬餘串創建觀光集善後規章無不斟酌盡善是歲

恩科適遇觀光集上樑得捷報中式者四人自後連科繼起
文運之開兆於此矣公居官以撫字爲心興利除弊父母
之歌遍於草野聽訟不事鞭朴而委婉周詳無不得當以
去在任三年諸多善政難以悉舉旋調任高安紳耆叩大
府乞出不可去任日餞送者數千人至有泣下沾襟者去
後士民鑄去思碑於城東石橋之隅志不忘也後由高安
陞任新建俱卓有政聲陞直隸州知州以軍功保舉知府
仍歸江西補用未幾卒

佐貳

宋

靖安縣志

卷之七

職官

十二

羅夢棧字德玉新喻人寶祐四年特奏名授靖安尉庚申兵
入境夢棧率民兵固守已而兵大至巷戰死之事聞贈宣
教郎蔭其子金鉉從政郎

安志

明

盛禧長沙人景泰中爲縣丞涖任數月草弊殆盡上官廉其
能凡疑獄輒委之決秩滿去行李蕭然曾無愠色人咸異
之

舊志

楊琛狄道人成化中爲邑主簿淡薄自甘非義不染以德化
民有弗率者必刑無貸折節待士出於至誠士民敬服

舊志

國朝

時保順治十六年任典史時土寇竊發傑簡閱兵壯悉力捍禦賊潛入城力戰陷賊死舊志

曾師孔直隸人厚重溫雅無俗吏習氣始爲靖安尉值地方不靖師孔以軍功陞本邑丞徵運漕糧毫無擾累民嘉賴之舊志

司徒宜字左文一字傲筠溧水人以歲貢丞靖安再攝縣篆遇事之便民者必毅然爲之葺城垣修橋路率首爲提倡性好論文邑人士皆樂與過從乾隆辛未重修縣志宜亦與校輯焉

崔宏道字體乾天津人乾隆八年任縣尉邑舊多溺女風宏

靖安縣志

卷之七

職官

十三

道下車卽惻然動念捐俸百金爲倡與邑中搢紳置田數十畝名藍田會遇貧民育女者月給斗米百錢并予紉襪之具所全活無算人感其德弊俗亦爲之少戢他善政多稱是時與二尹司徒宜並有賢聲以土新增

師儒

徐鼎永嘉人洪武間教諭以身示範言不及利課餘適情吟

咏多可傳誦之作舊志

徐鍊浙江人初以文學自負及領鄉薦自謂道德不立奚文學爲乃篤志力行以聖賢爲準的永樂中就教靖安惟以躬行率諸生薰其德而善良者勃然興焉舊志

高才仁和人第進士資當授縣令請就教職選靖安教諭比
至振勵頽俗弟子員不衣冠不見贄見節儀悉拒勿納學
者翕然慶得師舊志

陳廷省黃巖人由舉人任教諭學問賅博造就人才有方非
士夫家不與過從道範卓然舊志

鄭貞會稽人由舉人任教諭學養完粹立教條令弟子員朝
夕講習數載之內郁郁彬彬時人目爲山城鄒魯秩滿去
有遮留至泣下者累遷國子助教仕至山西提學舊志

帥毅廬之巢縣人正統間任訓導耿介絕俗以綱常爲已任
士類宗之秩滿遷南昌教諭舊志

靖安縣志

卷之七

職官

十四

謝睿閩縣人景泰間任訓導存心寬厚平易近人講學以通
經致用爲本尋擢翰林院孔目轉國子監助教舊志

許純雅莆田人由舉人授教諭性謙抑課士甚嚴課日宿諸
生於號舍終日端坐不倦夜分躬自巡察晨起品勤惰示
勸懲一時俊彥皆賴成立舊志

陳綱江甯人成化中訓導邃於經學篤行孝友士類服其身
教擢淮府審理舊志

倪欽字汝敬閩縣人由舉人任教諭厚重溫和不以賢智上
人啟迪諸生不嚴而肅居三載以告養歸後二子組緝聯
登進士人以爲盛德之報舊志

陳軒德化人宏治間訓導正身率物辭官歸養或請留教軒曰是乃所以爲教也竟去舊志

全泮羅源人以歲貢任教諭遜志好學嚴於課士被其教者久而不忘轉桂林府教授舊志

國朝

許學初新淦人順治中任教諭淡素自怡不詔不續在任多年始終一節後陞馬邑令去舊志

吳衍洪崇仁人由歲貢任訓導深文博學能闡明聖教有分經治事之規舊志

劉曰琬字德治高安人歲貢康熙丁巳司訓靖安時戎馬未

靖安縣志

卷之七

五

息士苦輸將曰琬於無力者解囊貸之民有冤者力爲白之請廣科舉額捐資葺學宮文教聿興舊志

羅應鯨字乳萬甯都人由歲貢任訓導因材善誘遇貧苦好學之士尤加愛恤不計其修脯重甦焉舊志

李日彰字昭旭瀘溪人由舉人選授教諭博通經籍同知縣高克藩纂修邑乘網羅散失善善從長待諸生情意懇摯爲士林所矜式後陞知縣舊志

曾鴻麟南豐人康熙壬子副貢任教諭性耿介見邑令不干以私或弊政害民者則直言不諱爲文尙體要論者謂不

媿子固後云

舊志

柳章燧字公晦德化人廩貢任訓導儀度閒雅見者鄙吝自
消不敢以非禮干之 舊志

李聯芳字鼇彩金谿人由拔貢任教諭為人坦易不立城府
課餘與諸生游眺風雅相親題咏頗富陞南康府教授自
喜得日對匡廬捧檄即去其清致如此 舊志

朱曰富餘干人由歲貢任訓導言動皆有規矩雖猥薄者亦
服其古處可親 舊志

易錕原名統元號一齋廣昌人少受知於桂林陳文恭公暨
謝未堂太常之門才名大噪由舉人選邑教諭課士極有
矩法講明經義提倡風雅爲文必已出剽賊者黜之士漸

靖安縣志

卷之七

職官

十六

知務實學在任廿年以年勞轉南安教授贈言留別都人
士祖帳寒塗錕固學明體用思有爲於世嘗作雙溪望春
詩四章以見志其結句云且將未對三千字檢向紅梨樹
下編至今人傳誦之 新增

魯頌春號庾南建昌府新城縣人由舉人大挑二等道光十
八年選授靖安縣教諭公以品藻自勵性方行介學問素
優與在學諸生講論必以士先器識而後文藝爲訓浸淫
於名大家月課諸生每校閱批改甚詳日可十餘篇以故
受業於門者不下數十人各因材造就靡不心悅誠服論
文必究根柢製局謀篇超人意表一時名下士皆出其門

其有裨於靖邑文教者深矣旋以母憂去任歸新城家無
擔石仍以筆耕度日會賊擾西江公與鄉人鳩集團練與
賊對仗眾寡不敵賊執之脅以刃公罵曰賊勢猖狂乃爾
吾豈從賊者哉遂遇害殺身成仁不負所學矣

將弁

明

陳嘉猷撫州人崇禎十三年由武舉任靖安城守營守備領

兵勦賊陣亡

舊志

乾隆庚寅合邑呈請補祀遺愛祠

府志

國朝

謝貴南昌人乾隆癸丑任靖安駐防把總嘉慶丙辰調赴湖

靖安縣志

卷之七

職官

十七

北勦捕教匪積功洊擢南昌水師營守備壬戌禦賊於宜

昌烏渡河戰沒於陣祀郡城昭忠祠

新贈

凌超先興國人嘉慶初川楚不靖募義勇超先千里赴蜀應

之迭以軍功加千總銜歷署廣信南昌營務借補靖安城

守勤於訓練躬率爲先捕肅而民安萑苻斂蹟山鄉有虎

患引伍深入崖穴射之洞喉凱而歸患以漸息邑人慶焉

值闖闖不戒於火身先士卒升屋毀間火不能延巡禁搶

掠衢巷案堵平居壽晉接文士有雅歌投壺之概察案悉

歡敬之年甫五十以痰疾致仕人懷去思云

案凌超先見前志當時猶

存今補傳焉

藍占魁號梅庄新昌人道光丙午武舉由撫標授靖安把總
強武有力精於訓練能與士卒同甘苦咸豐四年武邑土
匪張定元焚掠靖之西鄙藍會紳團進剿每戰必克入武
邑平坑搗其巢穴匪遂遠颺靖武俱倚之爲干城後陞任
去以剿賊溺水死

靖安縣志

卷之七

職官

十八

